

# Ho tsamaya

E ngotswe ke Zaheera Jina Asvat  
Ditshwantsho ka Julie Smith-Belton

Ke dula pela nkongo wa ka hodima jwang. Re shebelletse popane/katepilara ha e fetoha ho ba serurubele. Nkongo o re sena se bitswa methamofosisi. “Methamofosisi” ke lentswe le leholo ho tlotlontswe ya ka.

“Sheba, Yusuf,” Nkongo a hoeshetsa.



Kerisalisi moo popane/katepilara e patileng e buleha butle, sekotwana ka sekotwana, ho fihlela serurubele se bofubedu le botsho se etswa. Serurubele se a phomola, se omisa mapheo a sona, mme se fofela hole.



Nkgono o re dibopuwa tsa Thaho tsohle di a tswalwa, di a hola mme di tsamaye. Dinonyana le tsona di etsa jwalo. Di fallela dibakeng tse futhumetseng nakong ya mariha. Katse e mmala wa kgemere e lahlehileng e neng e robala lehlabatheng la heso e tsamaile le yona.

Ke a ipotsa hore ke tlo hola mme ka be eng. Na le nna ke tla tsamaya? Ha ke batle.

Mme o re re hloka ho fallela ntlong e nngwe moo ho nang le dikolo tse maemo a fetang tse ding. Seo se a ntlhonamisa. Haesale re dula le Nkgono. Ha re ka tsamaya mona, tshimo e ntjha e ka nna ya se be ya mohlolo. Nka nna ka jewa ke bodutu. Ke a tshaba.



"Sheba, Yusuf!" Nkgono a hoeletsa. Hodima lebota, re shebilwe ke katse e mmala wa kgemere. E tlolela fatshe mme e tsamaya ho ya lehlabatheng. E fihla e iphutha moo hodima lehlabathe. Katse ya rona e lahlehileng e se nang monga yona e kgutletse hae lehlabatheng la yona' after 'hae.

Ho lokile le ha nka tsamaya le nna. Nka nna ka kgutlela hae tshimong ya Nkgono ya mehlolo.



# Ho tsamaya

E ngotswe ke Zaheera Jina Asvat • Ditshwantsho ka Julie Smith-Belton

## Mehopolo eo le ka buang ka yona

Yusuf o dula le mme le nkongo ba hae. O dula le mang?

Nahana ka diphetoho tseo o bileng le tsona bophelong ba hao. O ikutlwile jwang ka diketsahalo tsee ha di ne di etsahala? O ikutlwia jwang mabapi le tsona hona jwale?



## Setshwantsho

Sheba ka hloko setshwantshong se maecepheng a mabedi a qalang a pale. Na o ka fumana:

- ★ dinonyana tse tharo
- ★ Kgofu
- ★ serurubele?
- ★ dikgo tse pedi
- ★ kgetla ya seboko



## Ho bala

Ena ke pale e mabapi le phetoho. Na o ka fumana diphetoho tsohle tse sa tshwaneng paleng eo Yusuf a e bonang kapa a nahanang ka yona?



## Ho ngola


Ngola thothokiso ya diletere e mabapi le phetoho. Qala mola ka mong wa thothokiso ya hao ka letere e tswang ho lentswe lena "phetoho", jwalo ka:

P  
H  
E  
T  
O  
H  
O



## Mosebetsi wa matsoho

Etsa serurubele. Mena pampiri ka halofo. Rothetsa matheba a pente halofong e le nngwe ya leqephe ebe o mena pampiri hore pente e hatise halofo e nngwe. Bula pampiri. Ha pente e omme, taka bokantle ba serurubele se butseng mapheo ho parola pampiri e pentilweng. Seha sheipi ya serurubele. Kgomaretsa karolo ya sona ka tlelu pampiring ya ntlwana. Kenya manakana a entsweng ka pampiri kapa dikotwana tsa pampiri.



## Tshebetso

Bapala karolo ya lebidi la bophelo la serurubele:

1. kgofu e tsamayang lekgasing mme e le ja
2. kgofu e etsa kgetla ya seboko

3. kgofu e kahara kgetla ya seboko
4. kgetla ya seboko e a petsoha mme ho tswa serurubele
5. serurubele se fofa hohle.

